

饌更服陳羞絜罇自回源起廣泊左拂蠶尾右遺吾山倒岵岵於
波際指梁岑於林缺移搖敞豁眇虛曠太皞苗裔可記任宿伯
禹山川空流濟汶所遇多感祇牢爲歡婣態日成以留客嫵容色
授以勸酒繁絲踈管紛尔自會雅舞清唱倏然同引旣醉源明以
手版扣舷而歌曰小洞庭兮牢方舟風嫋嫋兮離平流牢方舟兮
小洞庭雲微微兮連絕崕仍瀾壯兮緬以沒重巖轉兮超以忽馮
夷娒兮護輕橈蛟龍仔兮落增湖泊中湖兮澹而濶並曲敘兮悵
而還適予手兮非予期將解秋兮藂予思尚君子兮壽厥身承明
主兮憂斯人歌闕鳥獸聞之低昂而相鳴魚鼈聞之公泗而或躍
茲官吏安次而不易彼人庶樂業而不遷喜之哉樂之哉字渦泊
曰小洞庭盛集五太守高譙云爾

秋夜小洞庭離譙序

源明從東平太守徵國子司業須昌外尉袁廣載酒于回源亭明
日遂行及夜留譙會莊子若訥過歸苕相里子同棹過如魏陽穀